

四庫全書

史部

欽定四庫全書

寶慶四明志卷十

宋 羅濬 撰

郡志十

叙人下

進士

舊志以特奏名雜載題名碑亦然今悉按登科記釐正之

端拱二年陳堯叟榜

聖人不尚賢賦 五色一何鮮詩 禹拜昌言論

楊說

淳化三年孫何榜

色言日出賦射不主皮詩儒行論

李泳

咸平五年王曾榜

有物混成賦高明柔克詩君子黃中通理論

許鉉

景德二年李迪榜

天道猶張弓賦德輶如毛詩以八則治都鄙論

郎簡

盧慎微 張合

大中祥符五年徐奭榜

鑄鼎象物賦天險不可升詩以人占天論

王周

葛源

大中祥符八年蔡齊榜

置天下如置器賦君子以恐懼修省詩順時慎微其用何

先 天禧三年
論 孫沔

沈偕

許惲

同三傳
出身

天聖五年王堯臣榜

聖有謨訓賦南風之薰詩執政如金石論

李奕

登科記
作亦

虞協

天聖八年王拱辰榜

歲珠於淵賦溥愛無私詩儒者可與守成論

朱公綽

施渥

景祐元年張唐卿榜

房心為明堂賦和氣致祥詩積善成德論

許敏

寶元元年呂溱榜

富民之要在節儉賦鯢化為鵬詩廉吏民之表論

王昇

繼文子貫齊州條考中魁選以文有摩改奉旨特降第五名

慶厯二年楊寘榜

應天以實不以文賦吹律聽鳴鳳詩順德者昌論

沈起

申屠會

周造

慶厯六年賈黯榜

戎祀國之大事賦形鹽象武詩兩漢循吏孰優論

陳詵

馮準

王該

周處厚

李撫辰

俞翺

皇祐元年馮京榜

蓋軫象天地賦 日昃不暇
食詩 天聰君人之言論

杜諮

郭暨

皇祐五年鄭獬榜

國丘象天賦 律聰軍
聲詩 樂本人心論

盧隱

陳詒

詵堂弟

樓郁

貫開封

陳諒

詵兄貫
開封

項晞

貫開封

葛良嗣

貫開封

周師厚

處厚弟

嘉祐二年章衡榜

民監賦 鸞刀詩
重巽申命論

劉仲淵

于銳

貫開封

陳輔

嘉祐四年劉煇榜

堯舜性仁賦 求遺書於天
下詩 簡易得天下之理論

俞充

朱長文

豐稷

嘉祐六年王俊民榜

王者通天地人賦 天德
清明詩 水幾於道論

童子

項瞻

弟 晞堂

袁穀

嘉祐八年許將榜

寅畏以饗福賦 樂通神明
詩 成敗之機在察言論

葛蘊

貫開
封

馮碩

姪 準

陳謚

柳詔

治平二年彭汝礪榜

大舜善與人同賦 春和議振
貸詩 君子以成德為行論

樓常

子 郁

舒亶

熙寧三年葉祖洽榜

是年始有御試策

王

欽宗廟諱

王夬

周子貫和州

馮景

貫開封

熙寧六年余中榜

俞偉

充叔

韋著

明經

熙寧九年徐鐸榜

陳伯彊

貫開封

姚孳

杜岷

貫開封

樓光

郁子

元豐二年時彥榜

吳祿

周鏐

師厚子

元豐五年黃裳榜

江炳

翁升

俞夔

豐安常

稷子

陳撫

諒族貫開封

王瓘

該子

元豐八年焦蹈榜

君人者制仁論

樓昇

常子

元祐三年李常寧榜

吳正平

姚希

陳攄

攄弟

張宏

舉經明
行修

王光祖

昇之孫
貫齊州

元祐六年馬涓榜

童韜

袁灼

穀子貫
開封

劉渭

元祐九年畢漸榜

俞表

偉子

胡幹化

紹聖四年何昌言榜

蔣璿

馮涇

貫開
封

童韞

韞堂
兄

茹開

貫開
封

元符三年李釜榜

陳禾

謚子

陳抃

撫弟

郭擴實

璽子

馮軫

景姪孫

樓弁

常子

崇寧二年霍端友榜

周鉢

師厚子
貫湖州

王次翁

昇孫
貫齊州

崇寧五年蔡疑榜

馮滋

涇弟

蔣琬

璿弟

馮子濟

涇堂弟

夏承

汪思齊

曹貫

顧文

魁上舍

大觀三年賈安宅榜

王珩

諱姪

胡旦

吳升

諱從弟

蔣安義

政和二年莫儔榜

汪思溫

王庭秀

諱子

張邦彥

宏姪

林保

林霆

保堂弟

政和五年何臬榜

樓航

政和八年嘉王榜

林孝雍

陳時舉

陳秉

謚子舉
八行

姚持

卓姪貫
開封

桂舟

陳宗翰

誥孫

吳秉義

子升

汪廷彥

史才

薛朋龜

王勲

姪玘

宣和元年上舍釋褐

樓瑋

子航

宣和三年何渙榜

王琥

何涇

楊正權

吳秉信

子升

宣和六年沈晦榜

王璧

庭秀子又於紹興五年魁博學宏辭科

曹粹中

貫姪

林孝友

孝雍弟

建炎二年李易榜

張嗣良

于閱

紹興元年上半年舍釋褐

高閌

紹興二年張九成榜

王瑋

琬弟

于庭式

銳孫

王伯庠

次翁子
貫濟南

薛靖

明龜族

史純臣

貫湖州

周廣譽

紹興五年汪應辰榜

王伯序

次翁子
貫濟南

石師能

貫紹興

史師雄

純臣從叔

鄭若谷

趙擴臨

高安世

兄 閱

劉濤

紹興八年黃公度榜

省試 却泰軍詩

天子以德為車賦 談笑

吳邦傑

貫紹興

蔣棟

璫從姪

陳曦

禾子

余遇

蔡毅

紹興十二年陳誠之榜

魏杞

貫開封

豐至

稷姪孫

姚孚

希從姪

俞觀能

夔子

姜濤

貫開封

楮棣

紹興十五年劉章榜

汪大猷

思溫子

史浩

才姪

張濟

嗣良從兄

周維

莫冠卿

王淪

夫孫和州

林大節

孝雍姪

高閤

安世弟

紹興十八年王佐榜

沈中立

童大定

紹興二十一年趙達榜

方天保

陳居仁

貫興化

裴定

吳化鵬

張遜

任三傑

紹興二十七年王十朋榜

方南強

天保弟

趙彥弼

趙公遷

紹興三十年梁克家榜

樓鏐

昇孫

樓鉉

昇孫

卞圜

貫泰州

高文虎

安世姪

葉時

王明發

趙彥逾

趙師峴

趙師章

師峴兄

鄭鏐

貫福州

劉俱

沈元憲

莫堂

冠卿子

隆興元年木待問榜

聖人作而萬物覩賦人鑑詩一正君而國定論

李唐卿

貫紹興府

李霖

鄭若容

若谷弟

趙善待

樓鑰

昇孫

張良臣

貫拱州

林圭

馮緯文

涇孫

汪大辯

思溫姪

林頤

張孝伯

貫和州

乾道二年蕭國梁榜

趙師正

改名師津

施純仁

楊王休

俞茂系

觀能子

乾道五年鄭僑榜

楊簡

王時會

沈煥

袁章

灼孫

史彌大

浩子

趙善纁

王時叙

時會兄

戴樟

乾道八年黃定榜

范槩

盧子材

王煇

陳紀

韓永德

貫開封

舒璘

趙伯省

舒烈

曾孫

淳熙二年詹駉榜

趙彥通

彥通從兄

趙渭夫

趙師信

改名師澤師正之弟

趙彥遠

彥遠弟

淳熙五年姚穎榜

姚穎

穎孫

黃豹

王鎬

鎬姪

蘇養直

貫泉州

鄭瓚

瓚弟

淳熙八年黃由榜

袁燮

燮孫

趙汝勝

趙師晨

淳熙十一年衛涇榜

高文善

安世姪

高似孫

文虎子

趙汝達

善待子

趙汝述

善待子

趙善讚

善纁弟

淳熙十四年王容榜

史彌遠

浩子

趙師晃

師晨弟

姚師臯

袁韶

史彌宗

浩姪

羅仲舒

趙希言

趙汝遇

善待子

趙師甫

師晃從弟

趙希璿

李震

唐卿姪孫

吳振

史彌愈

彌忠弟

紹熙元年余復榜

邊恢

友聞姪

葉澄

趙瑞夫

豐有俊

稷四世孫

諸葛安節

貫紹興

趙崇復

趙崇衡

崇復從兄

林惟孝

嵩孫

劉致一

陳車

居仁子
貫興化

林珪

周焯

鐸曾孫

紹熙四年陳亮榜

楊琛

樓昉

樓鏞

孫弁

趙師旻

趙崇德

應倬

姜光

濤姪孫貫開封

厲思明

陳從

貫福州

姜柄

濤姪孫貫開封

趙筠夫

彥逾子改名筠夫

臧植

蔣經

貫鎮江

劉垕

童居善

大定孫

葛容

王洙

勲孫

慶元二年鄒應龍榜

天子大采朝日賦明詩高祖寬明而仁恕論

張慮

嗣良經孫

史彌遜

才孫

趙汝笈

趙汝适

善待子

趙善湘

姚師虎

師泉弟

張珩

葉子高

趙時穆

樓汶

昇曾孫

董仁澤

鄭褒之

若谷姪

章禹圭

孫逢吉

趙師仇

師備弟

趙師宜

希官叔

趙汝法

趙師適

師備兄

趙彥樞

桂萬榮

袁洽

戰四世孫

馮理

屠明發

王休

蔣峴

琬曾孫

馮自彊

武舉

鍾元達

潘伯恭

盧元吉

慶元五年曾從龍榜

袁肅

變子

史彌謹

浩姪

劉叔向

臧格

植弟

皇甫曄

王暨

輝姪 貫開封

汪文中

大猷姪

姜燹

允弟 貫開封

趙善潼

善湘弟

王大醇

上舍琬姪

趙崇衍

趙汝稠

趙崇佑

王埏

伯屏孫

陳曄

木曾孫

嘉泰二年傳行簡榜

聖人成天下之大順賦 春旗簇仗齊詩 漢御外理內之術論

傅行簡

繆師臯

次年試中教官

林惟忠

上舍惟孝兄

施琮

楊琮

琛從兄

胡鑑

嘉泰二年武學釋褐

范良輔

嘉泰三年兩優釋褐

宣繒

開禧元年毛自知榜

汪之彊

大猷姪孫

趙彥杉

郭九思

李以制

袁汝寬

徐愿

趙與龍

趙希揚

林宗一

惟忠子
貫湖州

嘉定元年鄭自誠榜

王宗道

時會姪

郭德暢

九思從叔

王埜

明發孫

趙汝憚

范楷

梁弟

薛師點

朋龜曾孫

張起巖

胡剛中

劉厚南

叔向姪

董仁聲

仁澤從弟

陳公益

李詵伯

叔以制

吳晞甫

化鵬姪

武舉周師銳榜

童蒙正

林嶠榜

胡允

陳良彪榜

胡應時

光子為第二名以絕倫特與第一名恩例

嘉定四年趙建大榜

任倫

謙子

俞疇

充曾姪孫貫湖州

趙時慥

趙希舍

師備子

樓淮

異曾孫

馮宋興

軫姪孫

陳誼

黃定

上舍

趙希璫

趙希琢

程士龍

汪了翁

武舉

王國定

杜霆

林拱

嘉定七年表甫榜

表甫

變子

趙師錢

伯省姪

余元廩

戴杰

上舍貫
福州

豐翔

至曾
姪孫

史彌應

彌忠
弟

史彌忞

彌忠
弟

范允

柑子貫
太平

葉英

趙時恪

時慥
兄

趙唯夫

公遷
孫

趙涿夫

渭夫
弟

趙紋夫

汪立中

大猷
子

趙時擇

渭夫
子

孫枝

趙時益

璋夫
姪

李森

上舍

葉奭

上舍

趙希璫

希璫
兄

趙與懽

希言
子

趙與昭

孫起予

枝
子

嘉定十年吳潛榜

方季仁

李元白

以制父

李以稱

元白子

劉著

鄭清之

趙汝捍

汝柄弟

陳頔

省元

高奎

林挺

拱弟

趙汝樵

善湘子

史彌鞏

彌忠弟

莊鎮

任灼然

樓采

汝姪

鄭次申

趙涖夫

趙師籀

趙璩夫

公遷孫

趙師箎

趙汝柄

善讚姪

趙汝梓

善湘子

趙希畬

師備子

史岩之

彌忠子

趙希敬

與昭叔

趙璠夫

孫公遷

趙時滌

孫瑞夫

汪之秀

弟之彊

陳伯鼎

翁逢龍

葛逢

武舉朱嗣宗榜

陳寅

嘉定十三年劉渭榜

諸葛十朋

姪安節

趙希鑑

師晨子忠翊郎

趙時堦

省魁

莊同孫

趙侵夫

趙希洽

弟希言

趙與仕

師峴孫

趙希逾

沈中父

姪 煥

史嵩之

子 彌忠

羅叔韶

蔣興孝

姪 經

陳目

趙希羊

宋炳

徐敏功

董子焱

仁聲
從弟

王之經

陳協

嘉定十四年兩優釋褐

何大圭

嘉定十五年國學以慶寶恩上舍釋褐

汪之道

思溫
元孫

嘉定十六年蔣重珍榜

豐芭

世稷五孫

臧元圭

從姪植格

李誨伯

姪元白

應徽

姪僚

臧元僧

子植

貝自成

袁商

子變

王撫

余天錫

潘景華

子伯恭

舒泳之

楊夢龍

姪正擢

樓鑛

世郁五孫

史佺之

姪彌忠

趙師簡

弟師錢

趙逢龍

樓昞

弟昉從

武舉杜幼節榜

臧元慶

植格從姪

王甲

鎬姪

嘉定十七年上舍釋褐

邵明仲

莊端孫

同孫兄

任褒然

灼然弟

陳輅

紀子

寶慶二年王會龍榜

孫因

夢觀堂兄

孫夢觀

因從弟

趙希沼

師對姪

趙希觀

趙師對

趙汝桂

汝柄弟汝擇兄

趙時範

王希聲

內舍明發之孫楚之兄

劉棟

姪 屋

趙希逸

弟 希 遜

鄭士穎

姪 清 之

趙汝昇

趙崇併

臧元堅

子 植 從

樓洩

弟 淮

舒瀛

曾 龍 之 孫

王文貫

表衡

孫 雙

劉炳

侯 遵 孫 子

陳筐

姪 紀

趙汝楫

善 湘 子 汝 植 汝 梓 弟

趙崇併

趙希埕

趙汝期

汝 昇 汝 笈 堂 弟

趙希綯

趙減夫

彥 通 姪

趙希馭

希 璚 堂 兄

趙希璚

兄 希 璚

趙希伺

趙減夫

趙希琛

希璣兄

趙希儂

希伺兄

趙汝揀

趙遺夫

趙與焰

與龍弟

蕭堦

馮基

劉希辰

著子

夏元吉

蔣規

琬曾孫

趙若搢

王夢次

黃桂

豹之子

王興叔

沈晟

武舉楊必高榜

何武伯

沖之姪

紹定二年黃樸榜

張震振

趙希會

師甫之子

豐蒞

芑之弟元名芸

史望之

彌志子

王龍榮

時會之孫

楊埴

林薄

大節之孫

趙汝渾

上舍

姚元哲

頴之子

馮履道

基之兄

趙希鏐

師晨子希鏐兄

趙崇儔

崇儔之弟

趙崇黥

內舍

史及之

臧元士

植之子上舍

趙崇儔

崇儔之從弟

李詞伯

楊琨

何宗琰

徐灼

周時舉

陳蘆

紀之姪蘆之兄

董亨復

王棠

陳筭

紀之姪
釁之兄

董淮

劉圭

友德
之子

沈叔簡

王與直

時敘
之孫

邊之裕

友聞孫
恢姪

汪輝

廷衡之
曾孫

武舉焦煥炎榜

張時舉

遜之
姪孫

何濬

內舍

紹定四年慶壽上舍釋褐

嚴畏

仲熊
之孫

葉成子

澄之
姪

沈輝

紹定五年徐元杰榜

何德新

冲從姪武伯從弟

陸壑

高指

開之曾孫

曹巽

趙汝楫

善湘之子汝楫汝梓汝楫之弟今為善潼之子

陳埜

南之姪孫

任嚴

桂去疾

桂錫孫

必之孫萬榮之姪

王得一

孫願質

枝之子起予之弟

趙希羔

希羊從弟

趙時悟

邊之基

友聞姪孫恆之姪

董仁森

子歲從弟

吳顥

王侶道

宋自彊

趙汝歸

汝憚從弟

戴塤

機之孫

陳大方

曦曾孫
槃從姪

汪之埜

立中姪

宋拱之

韓應祥

林一之

嵩之曾孫

張璫

珩之從弟

樓梓

昇之元孫

宋洎

炳之弟

潘景孟

劉燧

遵之孫

林處

王與義

葉龍友

輿之兄

馮容

軫之姪孫

樓濟

候之子

徐應和

樓漁

鑰之從子

臧夢祥

植格從姪
元圭之兄

樓瀚

昇之曾孫

顧銓

黃鏐

樓澤

鏐之子

邊之問

友聞姪孫
恢之姪

薛師傳

顧標

武舉林夢新榜

臧元龜

植格從姪
元慶之弟

魯英

樓米

采之弟

端平二年吳叔告榜

汪之林

之瑩之兄上舍

史越翁

師雄之從姪孫

趙崇曖

汝柄之姪

夏嘉

張自明

處從子
上舍

高衡孫

文善之子

周福孫

汪汲

鎮五世孫
輝從姪

高深

文舉之孫

趙希固

希羊之弟

袁鉉

陳夢舉

樓昭

昉之弟

汪龍友

了翁之叔

樓濯

汶之弟

余枏

張槃

虞之從子

王奎

明發從孫

王子槐

沈一舉

方肅

季仲之姪孫

陳籛

紀之子

劉煒

臧斐

格之從弟

樓枕

昇之元孫

吳惟助

鄔文伯

樓樺

常之六世孫

武舉朱熠榜

王大用

徐用之

何自明

潛之弟

嘉熙二年周坦榜

戴埴

上舍

章士元

上舍

應文炳

魏峻

通直郎

陳大震

大方兄弟

趙崇淦

趙崇儋

黃演

鍾之姪千之弟

史本之

劉焄

遵之孫侯之姪炳之弟

林爽邦

惟孝從弟

張玘

內舍

汪之邵

立中姪

林宗稱

嵩之曾孫問禮之子

劉埏

劉燾

遵之孫侯之姪炳之弟

林公玉

趙希釜

師晨子希鑑之弟

趙若潛

貝良金

樓條

昇之五世孫

黃應春

李淦

貝斗南

樓淦

鎬弟之子

陳策

黃千之

鏗之姪演之兄

陳了翁

陸燭

佃之元孫游之姪孫

林震

陸點

佃之元孫

陸埏

之孫瑞

陸熊

佃之元孫

陸采

佃之孫之瑞弟

陸哲甫

佃之元孫堅之從叔

樓侃

昇之五世孫

樓杓

武舉劉必成榜

蔣岨

淳祐元年徐儼夫榜

王漢英

王應麟

撫之子

陸合

佃之七世孫

潘泉

史能之

彌章之子出繼

王真錫

上舍明
發從孫

蔣興永

內舍平枝
緡之子

趙汝檀

史胄之

彌翠
之子

方震龍

孫洙

戴進之

集之子
墳之從叔

趙瑀夫

王轟

勲之
曾孫

王履正

上舍

趙汝櫟

汝檀
之弟

趙若璉

時益之姪
時融之子

汪元春

蔣覲

璿之曾孫
紳之子

羅明復

周夢李

常之
曾孫

楊宗卿

琛之
姪

丘達可

之才之孫
復之姪

羅叔晟

方端

季仁之姪

貝斗山

自成之姪孫良金之姪斗南之弟

張自彊

處之從子自明之弟

張慶祖

珩之姪

何日新

沖之姪武伯之弟德新之兄

任節

張自東

濟之姪孫劉棻
濤之姪孫致一之姪

淳祐四年留夢炎榜

余東

元稹之姪孫

戴鑫

孫夢發

洙之姪

盧堽

黃應春

戊戌特科甲辰正奏

安劉

趙希愼

趙汝棟

李以益

元白子以稱以制弟

袁綬

陳肖孫

蕭文會

姪之弟

孫豹

俞舜申

張正國

張欽

淳祐七年張淵微榜

王霆瑞

趙崇敷

元名崇辛

王珪

何垓

沖之姪孫日新之姪

張自期

處之姪自明從弟

樓洌

肖之五世孫鑛之從子

趙孟墅

師峴之曾孫與仕續訓與掃之親姪

趙崇驌

袁采

黃知崇

千之之子演之姪

蔣曉

琬之元孫
峴之猶子

吳龍朋

正平元孫
樓棹 昇之孫

張樞之

珩之姪

鄭士胄

勅授將仕郎
清之從子

朱祐之

鄔秀寔

丈伯

樓滌

鑰之從子
澤之弟

蔣覲

琬之曾孫
規之親兄

貝良臣

周岳

王應龍

應逢子

袁符

章之孫

樓棹

舒濟世

琬之孫

繆應符

張堂

胡時中

徐日宣

姜輝

葵之從弟

樓枝

翁歸仁

趙希塤

希塤之弟

吳尚深

武舉章夢飛榜

湯大全

戴元質

淳祐十年方逢辰榜

沈發

史俊卿

林潛

上舍問禮之孫宗稱之子

周坦

上舍鐸之四世孫短焯之親姪

陳若水

協之弟

林禹玉

公玉之兄

朱端方

定國之曾姪孫

胡發

子鑑之

趙與臻

子希鑑

趙與埜

與恩省魁
希馭子元名

楊景山

趙若惠

渭夫之孫
時擇之子

高桂

兄指之

袁垚

虞逢午

戴杰

王耒

林燭

惟孝親姪
宗一之弟

沈士龍

鍾之孫中
父之弟

洪翌

洪翬

楊垕

簡之
姪孫

蔣夢符

楊興伯

桂本

寶祐元年姚勉榜

陸逵

佃之五世孫

舒夢庚

孫獬孫

胡咸中

剛中時中之弟

黃翔龍

馬元演

李應龍

史有之

上舍彌輩之子

趙時泥

戴得之

權之子
上舍

臧元孫

單德旗

賈萬全

孫震孫

錢保

舒渚

王安道

大貫之弟

王自然

林霆

陳翥

楊壁

林峻

陳諫

王艮

休之子

汪奎

汪翔龍

袁士復

蔣峒

施泰孫

琮之姪

舒漳

琬之孫

虞逢酉

敏求之姪逢午之兄

林灼

寶祐四年文天祥榜

王應鳳

趙若棋

羅雷發

黃震

劉應老

趙崇回

趙必聰

陳著

章霆瑞

卓雲

舒杭

杜夢冠

楊應霆

琛之姪
宗卿兄

夏已震

嘉之子

史即之

李國寶

余梅叟

鄭士洪

張虞

應埜

樓世仁

陳鼎

翦之弟
了翁兄

李以秉

李璠

己未再
對二等

林一枝

徐汝周

劉南強

史常之

馮懋

楊炯

琰之兄
蘭之姪孫

開慶元年周震炎榜

王復

子槐之

蔣世傑

張興祖

胡從義

張源

震振之姪
龍之子

孫真孫

趙與昞

趙必衢

崇侯之

張龍應

張霆龍

霆振之弟

章介甫

俞道明

蕭楠

盧天祐

史介之

李以興

樓極

胡機

樓森圭

張霽

羅季禹

李以圭

于巽

閻之曾孫

王寶之

蔣續

王桂發

鄭大津

桂壯孫

博學宏詞

王壁

經明行修

張宏

八行

陳秉

史詔

教官

樓鑰

繆師臯

范光

童子

桂賚孫

應翔孫

係之孫徽之姪
嘉熙元年試中

遺逸

陳之翰

千定

並大觀
二年舉

特旨

沈省曾

衣冠盛事

四世宰執

史才

樞密

姪浩

丞相
越王

子彌遠

丞相
衛王

從姪嵩之

今丞相
永國公

父子宰相

史浩

子彌遠

父子御史

王次翁

御史
中丞

子伯庠

侍御
史

父子侍從

楊王休

子煜

袁燮

子甫

魏豹文

子峻

父子西掖

陳居仁

子卓

父子殿帥

馮湛

子櫛

父子同榜

孫枝

袁南榜

子起予

李元白

吳潛榜

子以稱

張震龍

周震炎榜

子源

祖孫侍從

林保

孫祖洽

祖孫甲科

王昇

呂濤榜第一
甲第五人

孫伯序

汪應辰榜第一
甲第五人

兄弟侍從

史彌大

弟彌堅

史宅之

弟宇之

兄弟同榜

王時會

榜鄭僑

弟時叙

趙汝述

榜衛涇

弟汝達

史彌忠

榜王容

弟彌念

趙師適

榜鄒應龍

弟師仇

史彌應

榜袁甫

弟彌志

趙汝樵

吳潛榜

弟汝梓

趙琪夫

吳潛榜

弟璠夫

趙崇使

黃樸榜

弟崇儕

舅甥三學士

汪大猷

甥陳居仁

樓鑰

典鄉郡

黃晟

鄭人唐末守郡二十年

孫沔

遠祖邵奉化人淨惠院即其故宅後徙會稽而別業猶在鄭皇祐三年守郡晚年又有新治甬

土居之句

王周

鄭人慶厯中以司封郎中守郡

樓昇

其先奉化人後徙城中政和中守郡五年所居號畫錦坊南門內有錦照橋與正堂相直宅之

後有錦照堂宅之左有堂曰繼繡以繼玉之後也

趙彥逾

鄭人嘉泰四年四月資政殿大學士太中大知慶元府兼沿海制置使所居號錦里

趙善湘

鄭人嘉熙二年三月十三日準入內侍省遞到御前金字牌奉御筆依舊資政殿大學

士銀青光祿大夫除沿海制置使兼知慶元府有旨名其所居之坊曰錦興

余天錫

鄭人嘉熙四年六月內奉御筆除資政殿大學士知慶元府兼沿海制置使有旨名其所

居之坊
曰錦樂

建鄉節

鄭清之

鄭人淳祐五年以少師越國公醴泉觀使兼侍讀領奉國軍節度使

省元

博行簡

陳埧

狀元

姚頴

傅行簡

袁甫

釋褐狀元

宣繒

何大圭

武舉狀元

胡應時

以絕倫升
第一名



寶慶四明志卷十

欽定四庫全書

史部

寶慶四明志卷十一

詳校官監察御史

臣沈孫璉

檢討

臣

德生覆勘

總校官降調編修

臣

倉聖脉

校對官中書

臣

翁樹棠

謄錄監生

臣

張聚婁

欽定四庫全書

寶慶四明志卷十一

宋 羅濬 撰

郡志十一

叙祠

聖王之制祭祀也法施於民則祀之以死勤事
則祀之以勞定國則祀之能禦大災則祀之能
捍大患則祀之後世俗或因其所畏慕釋老氏

各奉其所祖祠宇繁矣推建置之義而反其忠
信誠慤之心其可乎

神廟

靈應廟即鮑郎祠也舊曰永泰王廟北距子城二里半
按輿地志云鮑郎名蓋後漢鄆邑人為縣吏縣嘗俾
捧牒入京留家酣飲踰月不行縣方詰責已而得報
章果上達既死葬三十年忽夢謂妻曰吾當更生盍
開吾塚妻疑不信再夢如初乃發棺其尸儼然如生

第無氣息耳冥器完潔若日用者棺之四旁燈然不滅膏亦不銷郡人聚觀咸怪神之為立祠宇梁大通間奴賊名益誕唱誘羣盜有衆三千號奴抄兵寇會稽永嘉臨海海鹽並海郡邑咸被其害官軍累邀擊不勝賊勢益張定襄侯蕭祇為刺史神忽見形因巫語祇願助討賊祇乃設帷帳迎神置于譙門形雖隱而言與人接越三日告去語祇曰當以八月十三日破賊奴抄果以是日至餘姚舟膠於江衆陷於淖潰

潰如醉官軍悉繫縛之若拾遺然祇奏其異武帝遣
增大祠宇日以益盛唐聖歷二年縣令柳惠古徙祠
于縣會昌中刺史張次宗記其事皇朝崇寧二年尚
書豐稷奏明州鮑君永泰王廟額犯哲宗皇帝陵名
乞改為靈應勅如請政和八年守樓异以雨暘時若
有禱輒應奏請王爵加惠濟王宣和四年守李友聞
因睦寇竊發驚擾鄰邑境內安全繫王之功奏請加
封於是加威烈二字六年侍郎路允迪使高麗蹈海

無虞奏請再加忠嘉二字建炎四年車駕巡幸勅加
廣靈二字今稱忠嘉威烈惠濟廣靈王

純德廟東漢孝子董君祠也西北距子城五十五步唐
大厯十二年立刺史崔殷記徐浩書君名黜其孝行
已見叙人今祠宇即其故宅先是其母塑像在南郭
外草堂中康憲錢公億因訪問而知之迺迎歸孝子
廟且具其事請于朝勅賜純德徵君之廟徐浩所書
碑石不存今碑簽判韓誥所重刻也

五龍堂唐刺史李伉以天壽院天井歲旱禱雨必應有
金線蜥蜴出而赴感乃即開元宮建五龍堂俾郡人
咸便香火且為記以著靈異其略曰在天莫如龍龍
之德佐天地養萬物百穀賴以生四海所共尊者也
社祭土稷祈穀國之重典也既立壇以享其神矣則
龍之靈翔風灑雨澤枯槁滋稼穡可不嚴奠酌之所
哉余受命牧明人四月戾止六月大旱俾吏具香酒
敬祈于五龍之神有蜥蜴狀者躍入杯中飲酒復出

緣器上顧更久之跳躑而去吏未返雨已大注由是
生植茂遂闔邑豐衍思所以崇祀事荅神休者廼建
宇爽塏依方塑像以時薦饗謂之五龍祠堂云時咸
通六年季秋之末也皇朝乾道四年守張津以舊宇
庫隘乃移創于報恩光孝觀之申地觀即開元宮也
飲飛廟子城北一里二百步鹽倉之西昔有碑今亡故
神之姓氏邑里無傳焉淮南子云荆有飲非得寶劍
於干遂還反渡江中流暴風揚波兩蛟夾繞其舟飲

非謂柅船者曰嘗有如此者而得活乎曰未嘗見也
於是歛非瞋目勃然攘臂拔劍曰武士可以仁義說
也不可劫而奪之此江中之腐肉朽骨棄劍而已余
又奚愛焉赴江刺蛟遂斷其頭舟中人盡活荆爵為
執圭孔子聞之曰夫善戰腐肉朽骨棄劍者歛非之
謂乎按皇朝建隆中鄆令金翊纂異記謂唐武德時
以此郡為鄆州至開元中改鄆為明郡名奉化城號
甬東地名句章軍號歛飛考此則歛飛廟者蓋出於

當時之軍號而軍必有將之者往往有功於人故人
為之祠云大觀之初本州所編九域志乃引淮南子
所謂荆有狄非不知淮南子之非實非是之非非飛
走之飛今廟新榜遂稱荆狄飛侯豈非好事者附會
其說而增以荆字歟

舊志所辨狄非之說如此今存之然軍號狄飛未必不取義於

荆狄非之勇古字轉用甚多何必於非飛二字疑之或云旁有蛟池蛟自江來窟於此人患之故鎮以廟池今為居民所侵湮塞無幾又或云唐末刺史黃晟初以狄飛都副兵馬使防遏寇盜保護鄉井沒而人祠之不曰刺史而曰狄飛蓋自領兵時人倚為重故習稱其舊號云

大人堂子城內府治北射圃中俗呼神曰闕相公事之甚謹大讀如馱大人者尊稱之祠也然莫知本始吳越王時有近臣曰闕燔謫守于此初甚怏怏既至則悅謂居內不如守郡之樂未幾誅死未知所祀即其神否又有闕澤三國時為吳太子太傅今慈溪普濟寺乃其故宅鄞與慈溪接土人祀之亦未可知高閑撰記直指為節度使錢億特意之爾至循舊經之說謂郡治鄞縣實應後乃移治鄞尤為無據

東嶽行宮在報恩光孝觀東皇朝紹興十年守仇愈建
知觀事宗元大師表志賢募緣所成也有聖母池人
或竊同居之物諱而不承則相與詣聖母前焚香已
各投楮鏹于池浮者心負以此人敬畏之

張帝廟

舊附靈濟院佛殿之右隘陋卑濕淳祐六年夏
制帥集撰顏公順仲卜院之南偏鼎新創建

白龍廟延慶寺之東嘉定十三年火十五年見象于其
地人異之廟復立

宮觀

天慶觀子城東南一里唐天寶二年詔天下皆置紫極宮以祠老子梁開平二年易為真聖觀皇朝大中祥符二年詔賜今名且命立聖祖殿扁以金字牌天禧二年守臣劉綽奏自今請令郡官到任得替洎朔望並齊潔朝拜奉辭從之當時有旨住觀滿三年無曠失聽度係帳道童一人大觀元年二月十八日御寶批改歲度道士一名政和四年正月二十一日仍被旨每年特賜紫衣一道紹定元年正月居民失火延

燎及觀守臣胡榘重建聖祖殿改扁金字牌翼以兩
廡護以屏牆朝拜如初靈星門亦復其舊

報恩光孝觀子城東南八十步本唐開元二十六年所
置開元宮也後嘗改為崇壽宮皇朝崇寧二年有旨
改崇寧萬壽政和元年改天寧萬壽紹興十三年二
月改今額

寺院

禪院三

萬壽院子城東南一里在唐為慧燈院咸通十三年史君周景遇捨解宇以建仍捨田以充常住聞諸朝而賜額皇朝開寶八年重建太平興國七年改崇壽政和八年四月改廣慧專充啓建祝聖道場建炎四年火于兵重建嘉定十三年再火又重建或謂慧字從彗從心於星皆火讖也為寺額不利郡為聞于朝紹定元年正月十三日有旨賜今額是日東北廂火環寺皆延燎而寺獨存人咸異之本寺常住田一千四

百五畝山一百一十畝

報恩光孝寺子城西百步在唐為國寧寺大中五年置
皇朝崇寧二年詔改崇寧萬壽禪寺遇天寧節賜紫
衣度牒各一道政和元年八月七日勅改天寧萬壽
紹興七年改報恩廣孝禪寺是年又改今額專一充
追崇徽宗皇帝道場有鐵塔建隆間康憲錢公億所
建又有深沙神初自奉化之岳林寺編舟載至太平
興國寺繼徙至本寺之西廊葢工人王百藝極雕刻

之巧而為之者嘗見光明崔鼠俱莫敢近建炎間寺
燬于兵而深沙神之屋巋然獨存瞻奉者愈加敬也
常住田二千一百五十九畝山二百六十畝

吉祥院鄞縣東南一里一百步晉天福五年建六年以
釋天院為名皇朝太平興國八年改賜今額嘉定十
三年火重建常住見置

教院四

延慶寺子城南三里周廣順三年建曰報恩院皇朝至

道中僧知禮行學俱高真宗皇帝遣使加禮大中祥符三年改院名延慶天禧元年賜禮紫衣尋又賜法智太師內翰楊億都尉李遵勗稱論之力也大守李夷庚尤推重之禮嘗結十僧為懺悔佛事約三年共焚身以諸公言止住持四十餘年乃逝曾會守郡時禮夜夢神諭之曰翼日丞相來已而會之子公亮至禮以告洎公亮大拜請于朝置田闢舍大啓法席僧圖其像祠焉元豐中禮曾孫中立世其教比丘介然

來依道場修淨土之法募緣結屋六十餘間中建寶閣立丈六彌陀之身夾以觀音勢至環為十有六室各兩間外列三聖之像內為禪觀之所初然手二指誓以必成元符三年落成又然三指以增淨誓忠肅公陳瓘記之紹興十四年有旨賜教額寺之大悲閣有辟支佛舌舍利并普賢菩薩像皆禮所立嘉定十三年僧以像小欲修之剖其臆書云動此者水火為災未幾寺火像滅今丞相魯國公重建常住田二千

二百一十畝山無

寶雲院子城西南二里舊號傳教院皇朝開寶元年建
太平興國七年改賜今額先是有僧義通自三韓來
振譽中國漕使顧承徽舍宅為義通傳道所乞額寶
雲昭其祥也繼為史越王府功德寺嘉定十三年火
重建常住田五百三十一畝山無

白衣廣仁院子城西舊號淨居報仁院唐長興元年七
月建清泰二年十月為淨居院續因祈禱靈應復加

報仁二字皇朝治平元年十一月十三日賜今額初
節度使錢公億廨宇之梁見白光紋脈有觀音相乃
代以他木而以梁木刻觀音寘于寺故俗號白衣觀
音院有青蓮閣守周邦彥捐金命住持僧子元建也
建炎四年燬于兵寺今重建而閣亡周守記刻亦不
存矣常住田五十畝山無

興聖院子城西四里舊號牆西院唐咸通十年建
皇朝大中祥符八年賜今額本尼院也經建炎兵

火未能復其舊今為僧房屋十餘間常住無

十方律院六

廣福水陸院子城西南三里半舊號水陸冥道院俗謂之湖心寺皇朝治平中建熙寧改壽聖院紹興三十二年以犯太上皇帝尊號改賜今額係十方傳律講去處被旨充祝聖壽放生池道場乾道初守趙伯圭建廣生堂待制朱翌記之常住田三百五十二畝山無

開元寺鄠縣南二里唐開元二十八年建以紀年名會
昌五年毀佛祠此寺例廢大中初刺史李敬方有請
于朝復開元寺乃即國寧寺舊址建焉寺西南高原
有崇陰亭郡守殷僧辯廢亭以其材增建千佛殿寺
之三門亮闍梨建亮號月山能文善談論道行高潔
邦人敬之日閱藏經積施利以成此殿有維摩問疾
相東廡有梵王帝釋四天門正行道變相天神天男
天女歌樂形相皆協音律以畫藝極精妙吳越畫中

寶也其樂益霓裳羽衣曲調云嘗有廣利大師誓光
者住此寺工草書及畫詞辯過人昭宗聞其名召至
闕講論俾之畫龍面賜紫衣嘗畫黑龍於寺之壁亦
奇觀也寺有二碑其一李蘋文其一陶祥校書文韓
擇木書文有不肯去觀音先是大中十三年日本國
僧惠諤詣五臺山欲禮至中臺精舍觀觀音貌像端
雅喜生顏間乃就懇求願迎歸其國寺衆從之諤即
肩舁至此以之登舟而像重不可舉率同行賈客盡

力昇之乃克勝及過昌國之梅岑山濤怒風飛舟人
懼甚諤夜夢一胡僧謂之曰汝但安吾此山必令便
風相送諤泣而告衆以夢咸驚異相與誅茆縛室敬
置其像而去因呼為不肯去觀音其後開元僧道載
復夢觀音欲歸此寺乃創建殿宇迎而奉之邦人祈
禱輒應亦號瑞應觀音唐長史韋絢嘗紀其事皇朝
太平興國中重飾舊殿目曰五臺觀音院以其來自
五臺山故也駱登吳祔皆有記寺之天王堂前有喬

檜尤奇怪康憲錢公億為之賦詩寺又有子院六曰
經院曰白蓮院曰法華院曰戒壇院曰三學院曰摩
訶庵嘉定十三年火廢為民居惟五臺戒壇重建常
住田二百五十畝山無

太平興國寺鄞縣西南一里半在唐為太平興慶寺開
元二十八年建皇朝太平興國八年改賜今額寺有
子院三曰浴院曰經藏院曰教院惟浴院為十方山
主餘皆甲乙住持先是福明橋側水中有泗洲像時

見景光好事者沒水求之長尺許因加嚴飾崇奉于寺嘉定十三年火民多占居教院重建今為十方住持常住田五十畝山無

經藏院即太平興國子院嘉定十三年火徙建于舊寺之東偏本甲乙住持今為十方常住田一百八十畝山無

景福院子城南二里半舊號水陸蓮花院皇朝建隆二年建大中祥符三年改賜今額常住田五十畝山無

能仁羅漢院鄞縣西半里在唐為乾符寺尋廢咸通八年復建名藥師院後文為承天寺皇朝政和七年六月五日御筆賜今額寺有子院二曰法華教院曰羅漢律院今能仁法華廢為民居惟羅漢院在常住田五十畝山無

甲乙律院六

聖功院子城西南四里半本崇教院也周顯德元年建真宗皇帝詔內侍裴愈訪名山聖迹寺院恭藏太宗

金剛經卷第十一
皇帝石刻御書於是本院奉賜五十卷軸明年因愈
奏改賜今額常住田二十五畝山無

廣福院子城西南一里半舊號羅漢院漢乾祐二年建
皇朝太平興國九年賜今額嘉定十三年火重建常
住田二百八十畝山無

東壽昌院子城東南一里唐清泰二年僧子麟禪師往
高麗日本百濟諸國傳持天台教法高麗國王遣使
李仁旭輩送還明州錢氏因贖徐蘊鄉園地建院以

安其衆晉天福七年吳越國王命以為保安院皇朝
治平元年賜永安院大觀二年八月以犯宣祖陵名
賜今額嘉定十三年火重建紹定元年再火常住田
一十六畝山無

崇教院子城西南二里半唐乾符元年建皇朝大中祥
符元年賜今額常住田二十二畝山無

興法院子城東南二里舊號境清院唐咸通二年建皇
朝大中祥符元年賜今額嘉定十三年火半為民居

常住田二百六十畝山無

保安院紹興間有僧師韻卓庵修道於此繼或訐其私
置庵毀地奪於有力者淳熙中史忠定王請東湖上
水廢寺額畀之韻之弟姪曰師璨清俊募緣贖地重
建常住無

廢院六

景德寺子城東南二里舊號鄞江院唐清泰元年建皇
朝大中祥符元年賜今額寺有教院在西偏嘉定十

三年火廢為民居

西壽昌院子城南一里半東壽昌之下院也嘉定十三年火廢為民居

天封院鄞縣南一里半舊號天封塔院漢乾祐五年建皇朝大中祥符三年改賜今額寺有僧伽塔建災間燬于兵紹興十四年太守莫將重建蓋僧德華募緣而成之也嘉定十三年火廢為民居

大中祥符寺子城南一里半舊號崇福寺周廣順元年

建皇朝端拱中僧從信以精琴阮至京師太宗皇帝
召見賜食資金帛錫號三惠大師信奉藏所得御書
御批于寺大中祥符元年賜今額寺有教院輪藏嘉
定十三年火廢為民居

能仁觀音院縣西南二里半舊號報慈院院瀕西湖本
節度使錢公億捨宅為之成於皇朝太平興國中
院記謂面枕平湖門橫綠野為四明望藍也觀音聖
像以諸香衆寶莊嚴瑞應甚衆初賜承天院額宣和

例改能仁院建炎兵火之變觀音先期託夢僧人亟
移郊外淨巖院僅免回祿後復迎歸凡有懇求無不
成格嘉定中有旨以其地賜今丞相史魯公移其額
于大慈山

藥師院在太平興國寺之右嘉定十三年火廢為民
居

尼院五

戒香十方寺子城西南二里半舊號白檀寺唐大中元

年建皇朝大中祥符元年賜今額嘉定十三年火重建

普照院子城西南二里半舊號福明院唐咸通三年建

皇朝大中祥符元年賜今額嘉定十三年火重建

興教院子城東南二里舊號新居禪院梁貞明二年建

皇朝大中祥符元年賜今額嘉定十三年火重建

奉聖院子城東南二里舊號淨居禪院唐天祐二年建

皇朝大中祥符元年賜今額嘉定十三年火廢為民

居

普寧院舊為庵舍嘉定十三年賜額

叙遺

一郡之事昬別區分欲舉其凡知其目也凡目
所不該紀載所不及其可遺乎掇拾而次第之
故曰叙遺

車駕巡幸

建炎三年十一月乙巳朔二十五日己巳車駕發越州

次錢清堰呂頤浩奏敵人以騎兵取勝今若車駕乘海
舟以避敵北騎必不能襲江浙地熱彼亦不能久留俟
其退去復還二浙彼入我出彼出我入此兵家之奇也
上沈吟久之曰此事可行卿等熟議來日召侍從臺諫
至都堂參議可否庚午頤浩晚朝奏事上曰航海之事
朕昨夕熟思之斷在必行卿等速尋船遂決策趨四明
十二月己卯車駕幸明州駐蹕州治提領海船張公裕
奏已得千舟上甚喜壬午定議航海執政請每舟載六

十衛士人不得過兩口衛士皆曰我有父母有妻子不知兩者如何去留訴於主管禁衛入內侍省都知陳宥宥不能決宰相呂頤浩入朝衛士張寶等百餘人遮道問以欲乘海舟何往因出語不遜頤浩詰之曰班直平日教閱何嘗有兩箭上貼今日之事誰為國家死戰者衆欲殺頤浩參知政事范宗尹曰此豈可以口舌爭引其裾入殿門門閉衆不得入上以御筆撫諭人情稍定遂山呼於殿門外上密諭宰執曰此輩欲沮大事朕

今夕伏中軍甲士五百人於後苑卿等翼日率中軍入捕為首者誅之頤浩退密諭中軍統制辛企宗及親軍將姚端令陰為之備癸未執政早朝命御營使司參議官劉洪道部兵在宮門防變而中軍及姚端已輟齟於行軍門外二府引中軍入遇直宿兵衛皆擒之其徒驚潰或升屋或踰牆遁走上自便殿御介冑引伏兵出彎弓手發二矢中二人墜于屋下其衆駭懼悉就擒上命呂頤浩至都堂詰為首者以奏其餘皆囚之甲申誅張

寶等十七人於明州市陳宥責汝州團練副使潭州安
置除行門外其衆降隸諸軍戊子朝奉郎知明州張汝
舟為中書門下省檢正諸房公事宜州觀察使張思正
為浙東馬步軍副總管屯明州徽猷閣待制御營使司
參議官劉洪道知明州己丑夜諜報敵逼臨安知越州
李鄴奏至旦大雨羣臣入朝至殿門有旨放朝惟執政
入對上於袍袖中出鄴奏示之既退上自州治乘馬出
東渡門登樓船宰執皆從詔止親兵三千人自隨百官

有司隨便寓浙東諸郡時上既廢諸班直獨神武中軍
辛永宗有衆數千而御營使呂頤浩之親兵將姚瑞衆
最盛上皆優遇之晚朝二府登舟奏事參知政事范宗
尹曰敵騎雖百萬必不能追襲可以免禍矣上曰惟斷
乃成此事是也庚寅從官以次行吏部侍郎鄭望之以
疾辭不至給事中兼權直學士院汪藻以不便海舶請
陸行以從許之於是扈從汎海者宰執外惟御史中丞
趙鼎右諫議大夫富直柔權戶部侍郎葉份中書舍人

李正民綦崇禮太常少卿陳戩六人而昕夕密衛于舟中者御營都統辛企宗兄弟而已留者有兵火之虞去者有風濤之患皆面無人色辛卯御舟次定海縣有傳敵使至者上不欲令朝行在即遣參知政事范宗尹還明州俟之留御史中丞趙鼎給事中兼直學士院汪藻參議軍事且令宗尹盡護諸將壬辰宗尹等至明州乃盧仲等自和州來所攜國書語極不遜宗尹遂不奏癸巳御舟次昌國縣范宗尹聞臨安陷復還見上于舟中

丙申浙東制置使張俊自越州引兵至明州已無舟可載奏乞海舟上賜俊手書許以捍敵成功當封王爵俊納俠士劉相如之策遂留揭榜通衢勸諭迎敵士皆思奮俊軍士頗事擄掠城中居民少遂出城以清野為名環城三十里皆遭焚劫戊戌金人陷越州己亥奏至行在乃議移舟之溫台以避之庚子御舟發昌國縣先是金分兵犯餘姚知縣事李穎士募鄉兵數千列旗幟以捍禦把隘官陳彥助之敵既不知地勢又不測兵之多

寡為彷徨不敢進者一晝夜繇是上得以登舟航海辛丑御舟艤白峯寺癸卯張俊與金人戰敗之先是敵遣兵追襲乘輿至城下俊遣統制官劉寶與戰兵少却其將党用丘橫死之統制官楊沂中田師中統領官趙密皆殊死戰主管殿前司公事李質率所部以舟師來助知州事劉洪道率州兵射其旁大破之殺數千人四年正月甲辰朔大風御舟碇海中乙巳御舟次台州港口是日午西風忽起敵乘之犯明州張俊與劉洪道坐城

樓上遣兵掩擊殺傷大半敵奔北墮田間或墜水俊急令收兵夜敵拔寨去屯餘姚且請濟師于完顏宗弼丙午御舟次章安鎮張俊令明州西城外民居盡爇之其意欲赴行在也庚戌金帥烏珠引衆再犯明州張俊禦之于高橋戰數合慮其濟師遂託以上旨扈從辛亥盡將其衆入台州城中居民去者十七八有士人率衆扣劉洪道馬首願留以禦賊洪道曰予數剋敵若等毋慮丙辰夜洪道悉府實微服而遁與副總管張思正引所

部奔天童山所過盡撤其橋民不得濟死者數千人哀
號震天城中惟崇節馬軍與惡少僅千人以酒官李木
將之己未金人破明州先是敵益兵而來駐廣德湖舊
寨前遣老弱婦女運瓦礫填塹次夕植砲架十餘對西
門是日以數砲碎城樓守者奔散而出城遂陷敵引兵
入顯謨閣直學士提舉建隆觀鄭億年避寇山間為所
執甲子御舟次温州港口丙寅移次館頭先是金人自
明州引兵攻定海縣破之遂以舟師絕洋犯昌國縣欲

襲御舟至碕頭風雨大作和州防禦使樞密院提領海
舟張公裕引大舶擊敗之敵乃去上引舟而南與敵人
纔隔一日卒未汪藻言金人為患今已五年陛下以萬
乘之尊而依然未知稅駕之所者由將帥無人而御之
未得其術也如劉光世韓世忠張俊王燮之徒身為大
將論其官則兼兩鎮之重視執政之班有韓琦文彥博
所不敢當者論其家則金帛充盈錦衣肉食興臺廝養
皆得以功賞補官平時飛揚跋扈不循朝廷法度所至

擄掠甚於敵衆陛下不得而問正以防秋之時責其死力爾張俊明州僅能少抗奈何敵未退數里間而引兵先遁是投明州一城生靈而陛下再有館頭之行者張俊使之也

云云

二月乙亥車駕幸温州江心寺駐蹕丙

子敵因明州引兵還臨安初敵既破明州遣人聽命于完顏宗弼且云搜山檢海已畢宗弼曰如揚州例敵遂焚其城惟東南角數佛寺與僻巷居民偶有存者城之始破也守者奔湊東南縋城而出或浮木渡江生死相

半而逃村落者與賊遇由是遍州之境深山窮谷平時人跡不到處皆為敵人搜剔殺掠不可勝數既去以修職郎蔣安義知明州進武校尉張大任同知明州事安義本越州剡縣人大觀三年冒明州貫登第以賊敗敵首至輒投拜盡籍土著寄居姓名以告故敵人喜之且授以兩浙轉運司印一紐甲申慈溪縣令林叔豹引鄉兵入明州執蔣安義奪其印敵人十餘在開元寺皆病不能前者叔豹并誅之丙戌劉洪道自台州還屯奉化

縣其麾下精卒暴橫市肆邑人蔣璉夜集數千人之岳林寺圍洪道將殺之縣丞白彥奎勸洪道流其毆人之卒衆乃定洪道復入城斫民家窖藏之物得四萬緡以獻州人怨之是日金人自臨安退兵庚寅車駕幸温州駐蹕州治三月辛酉車駕發温州辛未御舟次定海縣縣為金人所焚上惻然曰朕為民父母不能保民使至如此四月知明州劉洪道罷貶秩二等依舊充御營使司參贊軍事以降授宣教郎直祕閣向子志知明州甲

戊御舟至明州之城外乙亥發明州癸未車駕駐蹕越
州戊戌出米七千斛賜明州民居為敵所焚者五月癸
卯中書門下省檢正諸房公事張汝舟特遷一官初上
過明州汝舟應奉簡儉粗能給足至台州而守臣晁汝
為儲峙豐備論者以為擾民上曰第以簡儉褒汝舟則
好惡自明故有是命

鄉人義田

太師史忠定王鎮會稽日捐公帑之金市田數百畝名

曰義田凡仕族有親喪之不能舉與孤女之不能嫁者以其租入差給之既閒居里閭端憲沈公煥請曰吾鄉義風素著相賙相卹不待甚富者能之而求者日衆後難繼也舉會稽近比行於此其可乎王韙其言乃與沈及少師汪公暨其子尚書大猷合辭以倡好義者於是或捐己產或輸財以經費積田漸多郡太守相繼輟在官之田若錢今丞相史魯公又捐褚券附益之歲得穀斛六百米半之買地作屋十五楹于郡之望京門裏扁

曰義田莊俾鄉之賢有力者掌焉仕族親喪之不能舉者給三十緡孤女之不能嫁者給五十緡其親屬若鄰里以聞于郡郡覈實俾主者行之非二者勿與先後緩急聞從權宜而郡守與主者皆不得私焉

提刑程覃瀕郡日許人徑

授狀于主者

始自紹熙初元于今四十載義田之增置未已

也忠定王之言曰是田之設非止濟人之急抑以崇廉恥之風將使從官者清白自持為士者專意學業人人知身後有所恃不汨喪素節斯其惠大矣參政樓公鑰

記之鄉人且繪王及少師汪公端憲沈公之像于莊所祠焉其田畝之數分給之規有文籍在

紀異

金庭客咸通中自剡溪金庭路由林嶺間將抵明州行三二十里忽迷失舊路忽忽而行日已將暮莫知棲息之所因遇一道士荷鋤問津焉道士曰此去人家稍遠無寓宿之所不嫌弊陋宿於吾廬可也引及其家則林徑幽邃山谷沖寂既憩廡下久之烹野蔬苗

食之頃有扣其門者童子報云隱雲觀請來日齋洎
曉道士去約童子曰善祇奉客客因問隱雲觀置來
幾年去此觀遠近荅曰自古有此觀去此五百里常
隱雲中世人不見故以為名客驚曰五百甚遠尊師
何時當還荅曰尊師往來亦頃刻耳俄而道士復歸
欲留客久住客方有鄉關之念懇辭而出乃遣童子
示其舊路行三二里失向來所在及問歲月已三四
年矣尋即復往再訪其蹤無能知其處所

孔祐隱四明山嘗見山谷中有數百斛錢視如瓦石不

異采樵者競取入手即成砂礫

出南史杜京產傳

泮水池清瀾池春蛙皆不鳴俗云守李夷庚以術禁之
泮水蛙鳴境內必出倫魁

四明四絕景絕而詩亦絕也

它山堰詩唐亮閣黎作

截斷寒流疊石基海潮從此作回期行人自老青
山路澗急水聲無絕時

定海正覺寺清風軒詩王旦作或云王旦

海風拍枕燈初暗山雨打窻人正寒料得此軒秋
更好怒濤推月上闌干

慈溪龍虎軒詩盛次仲作

一松偃蹇蒼龍蟠一石巉巖怒虎踞漫來題作龍
虎軒便恐風雲捲將去

奉化寶化石巖花鳳樊主簿作

山僧取巧蟠真叢九苞占盡千葩紅倚闌精采欲

飛動百鳥不敢啼春風

存古

文宣王廟記文宣王冊請立文宣王冊牒皆唐碑

在府學

移城記唐推官韓棼材撰

在簽廳

李斯小篆二

一在設廳
一在鄧山堂

裴刺史德政碑李陽冰篆

在設廳

王刺史德政碑李舟撰顏真卿書李陽冰篆額董孝子

碑徐浩書今皆亡矣

寶慶四明志卷十一